

ՀԱՄԱՇԽԱՐՀԱՅԻՆ ԱՆԱՐԴԱՐՈՒԹԻՒՆ

ՄԱԿ յայտարարեց, թե 2022 թուականին աշխարհի մեջ օրական թափված է շուրջ մեկ միլիարդ սնունդի փաթեթ, տեղի ունեցածը որակելով համաշխարհային ողբերգություն: «ՄԵԿ տարուան ընթացքին թափուած է անէլի քան մեկ թրիլիոն տոլար արժող սնունդ, մինչ 800 միլիոն մարդ կը մայանսօթի», նշուած է ՄԱԿի գեկոյցին մէջ:

ՀԱՐԱՒԱՅԻՆ ԻՐԱՎԻՃԱԿԻ ԹԵԺԱՑՈՒՄ


Երէկ արեւածագին, իսրայէլեան օդուժը «Մահմետական բժշկական միութիւն» շտապ օգնութեան կազմակերպութեան պատկանող կառոյց մը կործանեց սահմանային Յապպարիէ գիւղին մէջ, սպաննելով 7 մարդ եւ վիրաւորե-



լով քանի մը ուրիշներ՝ մեծամասնութեամբ շտակ օգնութեան աշխատակիցներ եւ բժշկական ծառայողներ: Աւելի ուշ, իսրայէլեան օդանաւերը թիրախներ հարուածեցին նաեւ սահմանային Նաքուրա եւ Թէրիհարֆա շրջաններուն վրայ, սպաննելով առնուազն 7 մարդ ու վիրաւորելով 7 ուրիշներ:

Իսրայէլեան բանակը միւս կողմէ յայտարարեց, թե խռվարարներու բջիջ մը կործանած է Նաքուրայի եւ Թէրիհարֆայի մէջ գտնուող եւ Յրզգալլային պատկանող կառոյցներ հարուածելով: Ըստ բանբեր Ահիսայ Ատրահիի, Յապպարիէի հարուածը թիրախաւորած է ոչ թէ շտապ օգնութեան կետը, այլ ռազմական նպատակներով գործածուող կառոյց մը, ուր մահացած է ժամաա Իսլամիէ կազմակերպութեան անդամներէն մէկը, որ նախապէս շարք մը առիթներով մաս կազմած է անդրսահմանային գործողութիւններու: Ըստ բանբերին, «օդային հարուածէն մահացած է քանի մը զինեալ ես»:

Յրզգալլա խստիւ դատապարտեց Յապպարիէի մէջ տեղի ունեցածը եւ ցաւակցեցաւ մահացած 7 մարդոց ընտանիքներուն, խոստանալով անպատիժ չգտնել այս ոճրագործութիւնը: Որպէս առաջին հակադարձութիւն, Յրզ-



գալլա յայտարարեց իսրայէլեան մերձակայ Զրիաթ Շիմոնա բնակավայրին եւ սահմանային զինուորական կեդրոններուն ուղղութեամբ քանի մը տասնեակ հրթիռ արծակելու մասին Իսրայէլեան լրատուամիջոցներ երէկ պիշեր նշեցին, որ նշեալ բնակավայրին մէջ հրթիռներու պայթումէն մահացած է անձ մը, կան նաեւ վիրաւորներ եւ կիթական ծանր վնասներ:

ՕՐՈՒԹԻ ԱՄՐԱՊՆՐՈՒՄ

Իսրայէլեան բանակի բանբեր Տանիէլ Յակարի յայտարարեց, թե «Լիբանանի խորքը սկսած է վերածուիլ պատերազմի դաշտի եւ Յրզգալլան կը վտանգէ իրավիճակը»: Անոր համաձայն, անցնող երկու օրերուն ընթացքին




Լիբանանէն 110 հրթիռ արծակուած է իսրայէլեան թիրախներու վրայ, հետեւաբար տակաւին պայմաններ չեն բիրեղացած Յրզգալլայի հետ զինադադար կնքելու համար: «Գուցէ Կազայի մէջ գերիներու փոխանակումի համաձայնութիւն մը կրնայ բարելաւել վիճակը նաեւ Լիբանանի սահմանին վրայ», ըսաւ ան: Ան նշեց, որ բանակը մշակած է այս տարուան զինավարժութիւններուն ծրագիրը, որուն մէջ կը կեդրոնանայ օդուժը կարողութիւններու ամրապնդումին վրայ՝ գայն պատրաստելու լիբանանեան ճակատին վրայ հաւանական յարձակումի: Բանբերը յայտնեց, որ երբ բանակը քաղաքական ղեկավարութեան հրահանգ ստանայ Լիբանանի մէջ զինուորական գործողութիւն կատարելու մասին, ապա պիտի գործադրէ գայն, սակայն առայժմ կը նախընտրէ խուսափիլ բախումէն եւ ինտիմը լուծել համաձայնութեամբ:

ԳՈՐԾԱՂԵԼ 1701 ԲԱՆԱԶԵԸ

Վարչապետի պաշտօնակատար Նաժիպ Միքթաբի երէկ ընդունեց իր իտալացի պաշտօնակից Ճիորճիա Մելոնի,

ներկայութեամբ զոյգ երկիրները ներկայացնող պաշտօնատարներուն: Ժողովականները քննարկեցին երկկողմանի յարաբերութիւնները եւ Միքթաբի Արեւելքին վերաբերող համատեղ հետաքրքրութեան թղթածրարները: Միքթաբի եւ Մելոնի հանգստութիւն յայտնեցին Ռամատանի կազայի մէջ զինադադար պահանջող ՄԱԿի Ապահովութեան խորհուրդի 2728 բանաձեւի իրապարակումին կա-



պակցութեամբ, մաղթելով որ ան իրապէս գործադրուի, դառնալով երկարատեւ զինադադար: Միքթաբի վերահաստատեց Պէրլուի յանձնառութիւնը ՄԱԿի 1701 բանաձեւին, պահանջելով, որ Իսրայէլ եւս գործադրէ անոր բոլոր յօդուածները: Միքթաբի միաժամանակ դատապարտեց Լիբանանի հարաւային Յապպարիէ շրջանին մէջ Իսրայէլի գործած ոճիրը, որուն զոհ գացին շտապ օգնութեան ծառայութեան 7 կամուրներ: Չոյգ կողմերը համաձայնած են բազմակողմ խորհրդակցութիւնները՝ տուրիացի տեղահանուածներու դէպի Եւրոպա հոսքը զսպելու ուղղութեամբ:

ԿԱՍԿԱԾԵԼԻՆԵՐՈՒ ԶԵՐԲԱԿԱՆՈՒԹԻՒՆ

Լիբանանեան բանակի իրամանատարութիւնը յայտարարեց, թե հետախուզական ծառայութիւններու շրջուն ջոկատ մը Պէրլուի միջազգային օդակայանի ճամբուն վրայ ձերբակալած է 4 քաղաքացիներ, որոնք 26 Մարտին կրակ բացած ու անձ մը վիրաւորած են Պիր Յասսն շրջանին մէջ, ինչպէս նաեւ աւազակախումբ կազմելով խնդիրներ հրահրած են Նոյն շրջանին մէջ՝ սարսափեցնելով քաղաքացիները: Զերբակալուած անձերը փոխանցուած են դատական պատկան մարմիններուն: Իսկ ներքին ապահովութեան ուժերու ընդհանուր տնօրէնութիւնը յայտարարեց, որ Տեղեկահաւաքի բաժանմունքը բացայայտած է թմրանիւթերու վաճառականութեամբ



(Շար.ը տեսնել 4րդ էջ)

ՀԱՅԱՍՏԱՆ ՊԱՏՐԱՍՏ Ե ԽԱՂԱՂՈՒԹԵԱՆ

Յայաստանի արտաքին գործերու նախարարութեան բանբեր Անի Պատալեան յայտարարեց, թե 5 Ապրիլին Պրիւքսէլի մէջ տեղի ունեւալիք Յայաստան-Եւրոմիութիւն-Միացեալ Նահանգներ եռակողմանի հանդիպումը նուիրուած է համագործակցութեան ամրապնդումին եւ



ուղղուած չէ որեւէ երրորդ երկրի դէմ: Յակադարձելով ատրպէյճանական զրպարտութիւններուն, Պատալեան շեշտեց, որ ամերիկացի արտաքին գործերու նախարարին ու Եւրոպական յանձնաժողովի նախագահին հետ վարչապետ Նիկոլ Փաշինեանի սպասուած տեսակցութիւնը կը նպատակադրէ ամրապնդել նշեալ երկու կողմերուն հետ Երեւանի կապերը, ուստի չի կրնար ապակայունացնել տարածաշրջանը, այնպէս ինչպէս կը պնդէ Պաքո: «Վերստին կը հաստատեմք, որ Յայաստան պատրաստ է Ատրպէյճանի հետ խաղաղութեան պայմանագիր ստորագրել՝ արդէն իսկ համաձայնեցուած սկզբունքներուն հիման վրայ», յիշեցուց Անի Պատալեան:

ՍԱՅՍԱՆԱԶՏՈՒՄԻ ՏԱՐԱԿԱՐԾՈՒԹԻՒՆ

Յայաստանի Ազգային ժողովի նախագահ Ալէն Սիմոնեան հաւաստիացուց, թե Տաւուշ գաւառի կամ ընդհանրապէս Յայաստանի որեւէ գիւղի կամ տարածքի Ատրպէյճանին յանձնում չի քննարկուիր: Լրագրողներու հետ զրոյցի ընթացքին Սիմոնեան անդրադարձաւ Տաւուշի չորս գիւղերու որոշ տարածքներ Ատրպէյճանին յանձնելու նկիւթին եւ բացատրեց, թե սահմանագատումի բանակցութիւններուն մէջ արծարծուած ինտրոյ առարկայ տարածքը բոլոր քարտեզներով կը համարուի Ատրպէյճանի տարածք եւ այդ մասին գիտակցած են Յայաստանի բոլոր իշխանութիւնները: «Յայաստան իր քարտեզը կրնայ մեթր առ մեթր ցոյց տալ բոլոր քարտեզներով: Տաւուշի մէջ ապրող բնակիչները գիտեն, թե այդ գիծէն միւս կողմ Ատրպէյճան է, այդ

(Շար.ը տեսնել 3րդ էջ)

ԿԱԶԱՅԻ ՄԵՋ ՅԱԻԵԼԵԱԼ ԶՈՐԵՐ

Կազայի մէջ գործող առողջապահութեան նախարարութիւնը յայտարարեց, թե 7 Յոկտեմբերին սկսած իսրայէլեան ռազմական գործողութիւններուն ընթացքին զոհ-



ւած պաղեստինցիներուն թիւը բարձրացած է 32500-ի, մինչ վիրաւորներուն թիւը՝ գրեթէ 75 հազարի: Ըստ նախարարութեան, անցնող 24 ժամերուն իսրայէլեան յարձակումներէն մահացած է 76 հոգի, վիրաւորուած՝ 102:

Իսկ իսրայէլեան բանակը յայտարարեց, թե անցնող 24 ժամերուն Կազայի բախումներուն ընթացքին վիրաւոր-



ւած է 22 զինուոր, անէցնելով, թե Կազայի մէջ սպաննած է Զամասի գինեալ թեւի իրամանատարներէն Մարուան Իսաւ: Իսկայն, Զամասի քաղաքական գրասենեակի անդամ Իզգար Ռաշաք կասկած յայտնեց Իսաւ սպաննելու մասին իսրայէլեան յայտարարութիւններուն կապակցութեամբ, կոչ ուղղելով իրականութիւնը իմանալ Զասսամի ղեկավարութեան:

Երուսաղէմի պարագային, իսրայէլեան ոստիկանութիւնը որոշեց 16 օր արգիլել ծայրայեղ հրեաներու Աքսա



վկիթ ներխուժելու փորձերը՝ խուսափելու համար հաւանական բախումներէն, որոնք կրնան Երուսաղէմի մէջ յառաջանալ Կազայի մէջ շարունակուող պատերազմին զուգահեռ:

ՄԻԶԱԶԳԱՅԻՆ ԱՆՂԱՂԱՐԶ

Պաղեստինեան հողերուն վրայ ՄԱԿի ներկայացուցիչ Ֆրանչեսքա Ալպընիզի Կազայի մէջ տեղի ունեցածը որա-



կեց «պատերազմական ոճիրներու աննախադէպ շարան»: Խօսելով իսրայէլեան ռազմական գործողութիւններուն

(Շար.ը տեսնել 4րդ էջ)

ՆԻԿՈՒ ՓԱՇԻՆԵԱՆՆ ՈՒ ԱՆՆ-ԼՈՐԱՆՍ ՓԵԹԵԼԸ ԲՆՆԱՐԿԱԾ ԵՆ ՀԱՐԱՎԱՅԻՆ ԿՈՎԿԱՍԻ ՄԷՋ ՏԵՂԻ ՈՒՆԵՅՈՂ ԳՈՐԾԸՆԹԱՅՆԵՐԸ

Հայաստանի Հանրապետության վարչապետ Նիկոլ Փաշինեան ընդունած է Ֆրանսայի Ազգային ժողովի Ֆրանսա-Հայաստան բարեկամական խումբի նախագահ Անն-Լորանս Փետելի գլխավորած պատուիրակությունը:



Նիկոլ Փաշինեան ողջունած է միջխորհրդարանական բարեկամական խումբի անդամներուն այցը Հայաստան եւ շնորհակալություն յայտնած է Հայաստանի հետ կապած օրակարգերուն նուիրածության համար: Վարչապետը կարեւորած է Հայաստանի եւ Ֆրանսայի խորհրդարաններուն միջեւ ձեւաւորուած ամուր կապերը եւ ընդգծած է երկկողմ բարձր մակարդակի խիստ համագործակցութեան փաստը:

Անն-Լորանս Փետելը նշած է, որ բարեկամական խումբի կազմին մէջ են Ազգային ժողովի բոլոր խմբակցութիւններուն ներկայացուցիչները, որոնք ունին Հայաստանին աջակցութեան քաղաքական անվերապահ համախոհություն:

Չորեակիցները անդրադարձած են Հայաստան-Ֆրանսա քաղաքացիական համագործակցութեան, միջխորհրդարանական փոխգործակցութեան, Հայաստանի մէջ ֆրանսական ընկերութիւններու գործունեութեան, ներդրումային ծրագրերու մէջ ներգրաման, ենթակառուցածքներու, գիւղատնտեսութեան, ուժանիւթի եւ այլ ուղղութիւններով ծրագրերու իրականացման վերաբերող հարցերու:

Քննարկուած են Հարաւային Կովկասի մէջ տեղի ունեցող գործընթացները: Նիկոլ Փաշինեան անդրադարձած է Հայաստան-Ատրպէյճան խաղաղութեան պայմանագրի շուրջ քննարկումներուն եւ ընդգծած, որ պայմանագրի սկզբունքները հիմարար կերպով համաձայնեցուած են 6 Հոկտեմբեր 2022 թուականին Փրակի մէջ կայացած քառակողմ հանդիպման շրջանակին մէջ ընդունուած յայտարարութեամբ: Քննարկուած են նաեւ տարածաշրջանային ենթակառուցածքներու ապաշրջափակման հնարաւորութիւնները: Այս ծիրին մէջ Նիկոլ Փաշինեան ներկայացուցած է ՀՀ կառավարութեան «հաղաղութեան խաչմերուկ» նախագիծը ու անոր սկզբունքները:

Միտքեր փոխանակուած են Հայաստանի մէջ Եւրոպական միութեան քաղաքացիական առաքելութեան գործունեութեան, Հայաստան-ԵՄ համագործակցութեան հետագայ զարգացման շուրջ:

Անդրադարձ կատարուած է նաեւ Լեռնային Ղարաբաղի տեղահանուած անձերու մարդասիրական խնդիրներուն, անոնց լուծման ուղղութեամբ ՀՀ կառավարութեան քայլերուն ու ծրագրերուն: Բռնի տեղահանուածներու կարիքներու լուծման առումով վարչապետ Փաշինեան կարեւորած է նաեւ միջազգային հանրութեան հետեւողական աջակցութիւնը:

«ՔՐՈՔՈՒՍ ՍԻԹԻ ՀՈՒԼ»-Ի ՄԷՋ ՏԵՂԻ ՈՒՆԵՅԱԾ ԱՅԲԵԿՎՈՒԹԵԱՆ ՏՈՒԺՎԵՆԵՐՈՒՆ ԹԻՒՆ ՀԱՍԱԾ Է 360-Ի

Մոսկուայի մարզի «Քրոքուս սիթի հոլ» համերգասրահին մէջ տեղի ունեցած ահաբեկչութեան տուժածներուն թիւը հասած է 360-ի: Այս մասին յայտնած են Աղետներու բժշկութեան կեդրոնէն:



«Չորեքշաբթի առաւօտուայ դրութեամբ ահաբեկչութեան հետեւանքով տուժած է 360 մարդ, ներառեալ 11 երեխայ», ըսուած է:

Ահաբեկչութեան հետեւանքով զոհուած է 139 մարդ: Մոսկուայի մարզի Քրասնոկոլրոք քաղաքի «Քրոքուս սիթի հոլ» համերգասրահին մէջ ահաբեկչութիւնը տեղի ունեցած է 22 Մարտի երեկոյեան. քանի մը մարդ կրակ բացած է համերգի այցելուներուն վրայ, այնուհետեւ հրդեհ սկսած է: Ձերբակալուած է 11 կասկածեալ, այդ շարքին՝ ահաբեկչութեան անմիջակաւորէն մասնակցած բոլոր չորս ահաբեկիչները:

ԱԼԵՆ ՍԻՄՈՆԵԱՆ. «ԽԻՍՏ ԿԱՍԿԱԾ ՈՒՆԻՄ, ՈՐ ՀԱՅԱՍՏԱՆԻ ՎՐԱՅ ԹՈՒՐԵՒՈՅ ՅԱՐՁԱԿԱՆ ՊԱՐԱԳԱՅԻՆ ՌՈՒՄԻՈՅ ՍԱՀՄԱՆԱՊԱՀՆԵՐԸ ԿՐՆԱՆ ՊԱՇՏՊԱՆԵՆ»

«Չուարթըն» միջազգային օդակայանէն Ռուսաստանի Դաշնութեան սահմանապահ զօրքերու դուրսբերման հարցը որոշուած է, իսկ հայ-թրքական սահմանէն անոնց դուրսբերման հարց չէ քննարկուած:

Լրագրողներու հետ գրոյցին այս մասին ըսաւ Ազգային ժողովի նախագահ Ալեն Սիմոնեանը:

Խօսելով «Չուարթըն» միջազգային օդակայանէն Ռուսաստանի Դաշնութեան սահմանապահ զօրքերու դուրսբերման հարցին մասին՝ Սիմոնեան նշեց, որ Հայաստանի համար այդ արդէն որոշուած թեմա է, եւ այստեղ այլ-եւս քննարկում չկայ:



«Փորձ կը կատարուի այս գործընթացը ներկայացնել իբրեւ միջպետական պայմանագրի խախտում: Սա եղած է միջգերատեսչական համաձայնութիւն, որուն նպատակը եղած է այդ տարածքին մէջ օգնել հայ սահմանապահներուն, թեթեւցնել անոնց բեռը: Այլեւս այդ բեռը թեթեւցնելու կարիք չկայ: Մենք տեղեկացուցած ենք՝ շնորհակալ ենք, օգնեցիք, բայց այլեւս Հայաստանի Հանրապետութիւնը այդ օգնութեան կարիքը չունի: Մենք կրնանք մեր օդակայանը սպասարկել եւ մեր սահմանապահները յոյս պէս կրնան իրենց առջեւ դրած խնդիրը լուծել:

Հիմա ալ կը խօսին, թէ Թուրքիոյ սահմանը ով պիտի պահէ, եւ շատ խիստ կասկած ունիմ, որ թէ Թուրքիան որոշէ Հայաստանի Հանրապետութեան վրայ յարձակիլ, ռուս սահմանապահները կրնան կամ պիտի գործեն եւ պաշտպանեն», ըսաւ Սիմոնեան:

Դիտարկման, թէ նշուած յայտարարութենէն կարելի է ենթադրել, որ Հայաստանը յառաջիկային պիտի որոշէ հայ-թրքական սահմանէն ալ դուրս բերել Ռուսիոյ սահմանապահները, Սիմոնեան պատասխանեց, որ նման խօսակցութիւն չէ եղած, ինչ պարզապէս կ'արձագանգէ վերլուծաբաններու կարծիքներուն:

ԱՐԺԱՆԹԻՆԻ ՆԱԽԱԳԱՀԸ ԿՐ ՆԱԽԱՏԵՍՄԷ ԿՐՃԱՏԵԼ ՄՕՏ 70 ՀԱՉԱՐ ՊԵՏԱԿԱՆ ԾԱՌԱՅՈՂՆԵՐ

Արժանթինի իշխանութիւնները կը ծրագրեն մօտ ժամանակներս պաշտօնէ ազատել շուրջ 70 հազար պետական ծառայող: Այդ մասին կը գրէ «La Política Online» պարբերականը՝ վկայակոչելով նախագահ Խաւիեր Միլիչը:



«Մենք կրճատած ենք 50 հազար պետական ծառայողներ, անոնց հետ լուծարուած են պայմանագրերը: Կը խնդրեմ նկատի ունենալ, որ այժմ պայմանագրերու քանակը կը կրճատուի, եւ պիտի լուծարուի 70 հազար պայմանագիր», ըսած է Միլիչ Լատինամերիկացի տնտեսագետներու համաժողովի փակման ժամանակ:

«La Política Online»-ի տուեալներով՝ կառավարութիւնը մտադիր է լուծարել տասնեակ հազարաւոր «ոչ-պիտանի» պայմանագրեր, որոնց ժամկետը կը լրանայ 31 Մարտին:

Միլիչի կառավարութիւնը Դեկտեմբերէն սկսած է պետական ծառայողները աշխատանքէ ազատելու գործընթացը: Արժանթինի փոխակերպումներու եւ հանրային գործառնոյթներու պետական քարտուղար Արմանտօ Կիլպերթը, որու ուսերուն ինկած էր մարդիկը աշխատանքէ հեռացնելու առաքելութեան իրագործումը, անցեալ շաբաթ իրաժարական տուած է:

Խաւիեր Միլիչը Արժանթինի նախագահի պաշտօնը տանձնած է 10 Դեկտեմբեր 2023 թուականին: Պետութեան ղեկավարի պաշտօնին իր առաջին ելոյթին ան երկրին մէջ տիրող իրավիճակը բնութագրած է որպէս ճգնաժամային եւ յայտարարած է տնտեսութեան մէջ ցնցումային բարելւմման անհրաժեշտութեան մասին: Զաղաքական գործիչը հանդէս կու գայ տնտեսութեան մէջ կառավարութեան նուազագոյն միջամտութեան, գնաճի զսպման նպատակով Արժանթինի Կեդրոնական դրամատան լուծարման եւ պետական ընկերութիւններու մասնաւորեցման օգտին: Որպէս առաջին միջոցներէն մէկը՝ Միլիչի կառավարութիւնը նախարարութիւններու թիւը 18-էն կրճատած է 9-ի:

ԵՄԻՐԱԹԱԿԱՆ ՆԵՐԴՐՈՒՄՆԵՐԸ ԱՒԵԼԻ ՈՒ ԱՒԵԼԻ ՆԿԱՏԵԼԻ ԿԸ ԴԱՌՆԱՆ ՀԱՅԱՍՏԱՆԻ ՏՆՏԵՍՈՒԹԵԱՆ ՄԷՋ

ՅԱԿՈՒ ԱՐՇԱԿԵԱՆԸ՝ ԱԼԻ ԱԼ-ՆՈՒՄՅԻՄԻ ՀԵՏ ՀԱՆԴԻՊԱՆ ԸՆԹԱՑՔԻՆ

Միջխորհրդարանական միութեան 148-րդ վեհաժողովի շրջանակին մէջ Հայաստանի Հանրապետութեան Ազգային ժողովի պատուիրակութիւնը հանդիպած է Արաբական Միացեալ Եմիրութիւններու Դաշնային ազգային խորհուրդի պաշտպանութեան, ներքին գործերու եւ արտաքին յարաբերութիւններու յանձնաժողովի նախագահ եւ Միջխորհրդարանական միութեան փոխնախագահ ղոկտոր Ալի Ալ-Նուայիմիի գլխավորած պատուիրակութեան հետ:



Հանդիպման ընթացքին կողմերը քննարկած են հայ-եմիրաթական առեւտրատնտեսական համագործակցութեան կարելիութիւնը՝ զոհուակութեամբ արձանագրելով վերջին տարիներու ընթացքին երկու երկիրներուն միջեւ ապրանքաշրջանառութեան անսխառեւ աճը:

Հանդիպման ընթացքին Յակոբ Արշակեան նշած է, որ ԱՄԵ-ն Հայաստանի առաջին առեւտրային գործընկերն է Մերձատր Արեւելքի եւ Հիւսիսային Աֆրիկէի տարածաշրջանին մէջ, եւ այսօր արդէն Եմիրաթական ներդրումները աւելի ու աւելի նկատելի կը դառնան Հայաստանի տնտեսութեան մէջ:

«Հայ-Եմիրաթական փոխգործակցութեան խոստումնալից ուղղութիւններ կրնան ըլլալ բարձր արիւստագիտական արդիւնաբերութեան, առողջապահութեան, կրթութեան եւ գիտութեան, զբօսաշրջութեան ոլորտները, ինչպէս նաեւ լոկալիզացիոն փոխշահաւետ ներդրումային նախագիծերուն մէջ համագործակցութեան հնարաւորութիւնները», կարեւորած է Յակոբ Արշակեանը:

Ալի Ալ-Նուայիմի իր հերթին նշած է, որ Յունուարին Հայաստան կատարած այցն յետոյ ԱՄԵ-ն հետաքրքրութիւն յայտնած է Ակադեմիական եւ Ծարտարապետական քաղաքներու շրջանակներուն մէջ համագործակցութեան ընդլայնման եւ փոխայցերու հնարաւորութեան վերաբերելով:

ՀՀ եւ ԱՄԵ պատուիրակները արձանագրած են՝ պիտի գործադրեն յաւելեալ ջանքեր, որ հայ-Եմիրաթական համագործակցութեան յաջողութեան պատմութիւնները միայն աւելան:

Հայկական պատուիրակութիւնը իր աջակցութիւնը յայտնած է որեւէ նախաձեռնութեան, որ միտուած պիտի ըլլայ հայ-Եմիրաթական քաղաքական, տնտեսական եւ մշակութային յարաբերութիւններու հետագայ զարգացման ու ամրապնդման:

Ազգային ժողովի պատուիրակութեան կազմին մէջ են պատգամաւորներ Ծովինար Վարդանեանը եւ Յասմիկ Յակոբեանը:

ՈՂԻՄՊԻԱԿԱՆ ԽԱՂԵՐՈՒՆ ՀԱՍԱՐ ՖՐԱՆՍԱՅԻ ՊԻՏՃԵԻ ԾԱԽՍԵՐԸ ՊԻՏԻ ԿԱԶՄԵՆ 3-5 ՄԻԼԻԱՌ ԵՐՈ

Ֆրանսայի Հաշուիչ պալատը Ողիմպիական խաղերու կազմակերպման համար պետութեան ծախսերը կը գնահատէ 3-էն 5 միլիարդ եւրօ: Այդ մասին յայտնած է պալատի առաջին նախագահ Փիեռ Մոսքովիսին France Inter ռադիոկայանի եթերով:



«Մենք մինչ օրս չենք գիտեր Ողիմպիական խաղերու իրական արժեքը: Հաշուիչ պալատը հաշուեքննութիւն պիտի կատարէ խաղերէն յետոյ: Այդ խաղերը պետք է արժեն 3 միլիարդ եւրօ, 4 միլիարդ եւրօ կամ 5 միլիարդ եւրօ, կը տեսնենք, բայց այդ բացարձակապէս մեծ ազդեցութիւն պիտի չունենայ (խմբ.՝ պետական պարտքի մակարդակի վրայ)», ըսած է Մոսքովիսին:

Ֆրանսայի վիճակագրութեան եւ տնտեսական հետազոտութիւններու ազգային ինստիտուտի հաշուետուութեան համաձայն՝ 2023 թուականին հանրապետութեան պիտուճի պակասուողը կազմած է 154 միլիարդ եւրօ (ՀՆԱ-ի 5,5%-ը)՝ գերազանցելով կառավարութեան կանխատեսումը (4,9%): Պետական պարտքը աճած է 147,6 միլիարդ եւրօ՝ հասնելով 3,1 թրիլիոն եւրոյի (ՀՆԱ-ի 110,6%-ը):

Ողիմպիական խաղերը տեղի պիտի ունենան Փարիզի մէջ, 26 Յուլիսէն մինչեւ 11 Օգոստոս: Խաղերու բացման արարողութիւնը պետք է կայանայ Սեն գետին մէջ, ուր խումբերը նաւերով պիտի անցնին Փարիզի կեդրոնով:

ԹԵՆՆԵՍԻ ՈՒԻԼԻԱՄԶ ԵՒ ՄԻՋԱԶԳԱՅԻՆ ԹԱՏՐՈՆԻ ՕՐԸ

26 Մարտին, երբ մասնաւորապէս ամերիկեան գրական շրջանակներ կը նշեն ամերիկեան թատերագրութեան տիտաններէն՝ Թեննեսի Ուիլիամզի (Tennessee Williams, Զոլոմպըս, Միսիսիպի, ԱՄՆ, 26 Մարտ 1911 - Նիւ Եորք Սիթի, «Էլիզե» հիւանդանոց, 25 Փետրուար 1983) ծննդեան 110-ամեակը, Մարտ 27-ը բարեղէպ գուգադիպութեամբ մը Միջազգային Թատրոնի Օրն է, ամենամեայ հանդիսաւորութեամբ նշուող:



Ամերիկեան արդի գրականութեան՝ մասնաւորապէս թատերագրութեան սեռի ամենէն կարկառուն դէմքերէն մին՝ աւելի քան չորս տասնամեակի վրայ տարածուող, որոշապէս ամենամեծը՝ Զարաւեն եկող, որ ընտանեկան տարականոն պայմաններու մէջ հասակ առած ու այդ բոլորին որպէս դժբախտ հետեւանք՝ ընկերային-կենցաղային ու սեռային գարտուղի վայելքներու հետամուտ կեանքը Թեննեսի Ուիլիամզի, ի վերջոյ զինք նետեց ալքոհոլիզմէն արտալաճ մտայն ու անկարելիոր առանձնութեան մէջ ստեղծեց, եւ տարակարծ մէկ որոշումով՝ դիմելով անձնասպանութեան, կու կու տայ հիւանդանոցի իր սենեակին մէջ սեղանին վրայ դիպուած-դրուած դէղահատերէն մէկը, որ իսկոյն փակելով խնայափողին՝ պատճառ կ'ըլլայ մահուան, դեռ լիութեանը մէջ իր գրական ուժերուն:

Ամերիկեան թատերագրութեան հիմնադիրին՝ Եուճին Կ. Օւեյն (1888 - 1953) ետք մեծագոյն եւ ամենաշատ տարփողուած թատերագիրը բազմաթիւ քննադատներու վերլուծմամբ, գնահատանքի արժանացած՝ նոյնիսկ իր մասին չարախօսներէն, հարկաւ այստեղ առանց ստուերելու տաղանդին վառ շողերը Արթըր Միլլըրի (1915- 2005)՝ իր սերնդակից միւս հսկային, քանզի Ուիլիամզ կը գատորոշուի բեմական երկխօսութիւններ ալ արարելու իր ճարտարութեամբ, քանկարներու վրայ տիպարներ ճարտարապետելու երկնատուր իր տաղանդով, տիպարներ՝ որոնք մինչեւ այսօր կը խօսեցնեն իրենց անմահութիւնը:

Խորապէս համամարդկային իր ապրումներով եւ իր մահէն քանի մը տարի առաջ, Թեննեսի Ուիլիամզի բարի համբաւը կ'ողողէ նաեւ ամբողջ հորհրդային միութեան տարածքը: Այսպէս, խորհրդային գրական շրջանակներ Ուիլիամզը կը համարեն «մեծագոյն թատերագիրը Աւստրոն Զեյնովէն ետք», յատկապէս անոր «Ապակեայ գառագեղը» (1944), «Վարդէ կտած» (թայթթը, 1951), «Կատուն» տաք թիթեղէ տանիքին վրայ» (1955) եւ այլ գործերուն համար, իսկ Գայկական Սովետական Զանազանարանն ու Գայկական Զամառոտ Զանազանարանը, - ո՛վ գարմըղը, - կը տարածեն իրենց անգիտութիւնն ու անտեղեկութիւնը Ուիլիամզի նման աշխարհահռչակ գրող-թատերագիրի մը մասին:

1937-էն սկսեալ՝ Թեննեսի Ուիլիամզ գրական անունով, բուն անունով՝ Թոմաս Էւնիլըր Ուիլիամզ, իր երախայրիքին համբաւը «կը համուսնէ» 1927-ին՝ 16-ամեայ պատանի մը դեռ, երբ «The Smart Set» հանդէսին կազմակերպած «Յօդուածագրութեան մրցանք»ին կը գրաւէ երրորդ դիրքը՝ «Լաւ կին մը կրնայ լաւ գուրծութեան սիրող մ'ըլլալ» խորագրեալ իր յօդուածին համար, շահելով հինգ ամ. տոլար: Մէկ տարի ետք, «Նիթրոքիսին վրէժխնդրութիւնը» խորագրեալ իր կարծ պատմութեամբ լոյս կը տեսնէ «Ուեյրոտ Թեյլը» հանդէսին մէջ:

1929-ին ընդունուելով Միսսուրիի համալսարանը եւ ականատես ըլլալով մեծ թատերագիր Զենրիկ Իպսլընի (1828-1906) «Ուրուականներ» երկին լոյս ընծայման՝ կ'որոշէ դառնալ թատերագիր: Յիշեալ համալսարանէն ներս երկու տարի լրագրական դասընթացքներու հետեւելէ ետք կ'ընդհատէ ուսումնառութիւնը՝ երբ հայրը, կօշիկի վաճառական մը, կը ստիպէ իրեն որ աշխատի անուանի ընկերութեան մը մէջ կօշիկի արտադրութեան, ուր երիտասարդ Թեննեսի ծանօթանալով Սթենլի Զոուըլըքի անուն երիտասարդի մը, վերջինին կերպարը կը ճարտարապետէ իր շատ նշանաւոր «Յանկուօթիւն կոչուող հանրակառքը» (1947) փիլեսին մէջ: Զամալսարանական տարիներուն կը մեկնարկէ իր բանաստեղծութիւններու, յօդուածներու, պատմութեաններու եւ թատերախաղերու հրատարակութիւնները, յուսալով որ անոնք կոկիկ եկամուտ մը կ'ապահովեն իր ապրուստին: Այսպէս, լոյսի բարիքին եկող իր առաջին թատերախաղը կ'ըլլայ «Գեղեցկութիւնը խօսք է» (1930), որուն կը յաջորդէ «Տաք կաթ՝ առաւօտուն»ը (1932):

Քոռնելիըս եւ Էտուինս Ուիլիամզ ամուսնի երկրորդ գաւակը (առաջինը՝ քոյրն է, Ռոզ անունով՝ 1909-1996, երրորդը՝ Տեքին եղբայրն է, 1919-2008)՝ ապագայ գրող Թեննեսի Ուիլիամզ, որուն մօրենական գծովմեծ հայրը քահանայ մըն էր եւ մեծ մայրը (Ռոզ Տեքին) երաժշտութեան ուսուցչուհի մը, մանկութեան տարիները կ'անցընէ հոգածութեան տակ: Առաջինը՝ գինեմոլ, խման մը, յարատեւ ճամբորդութիւններու ձեռնարկող վաճառական մը. երկրորդը՝ Էտուինս, այսպէս կոչուած՝ «Յարաւի գեղուհի»ի տիպար մը, որուն չտեսի նկարագիրը հակուած էր դէպի գեղեցկութիւն եւ մարդոց հետ վարմունքը կը մատեր ջլախտագին առկայութիւն մ'անոր մէջ:

Այս բոլորով հանդերձ Թեննեսի սերտօրէն կապուած էր քրոջ՝ Ռոզին, այնքան աչքառու կերպով, որ շատեր գաւակը կը համարէին «անանջատելի գոյգ», կոչելով՝ «Չոյ-գը»: Աւելին, իգական սեռը տիրապետած ըլլալով Թեննեսիի ապրած մթնոլորտին ու շրջապատին, ապագայ թատերագիրին մէջ արմատացուցած էր յուզախտի զգայնութիւն կանանց հանդէպ, ինչ որ հետագային այս երեւոյթը յստակօրէն պիտի արտացոլար անոր թատերական գրութեան բոլոր գործերուն մէջ: Կարճ խօսքով՝ Ռոզին նկարագիրն ու կերպարը Թեննեսիի շարք մը երկերու կերպարներուն համար ծառայած են իբրեւ ներշնչումի աղբիւր, այդ կերպարներուն իսկ մէջ լիցքաւորելով իրապաշտական ոյժ, երկերուն նիւթը դարձնելով այժմեական ու հրատապ՝ բոլոր ժամանակներուն մէջ, ընկալելի, դասեր տուող եւ դառնալով մայուն արժէք՝ ընկերային կեանքի ու ժողովուրդներու լայն խաւերէ ներս:

Թատերագիր, վիպագիր, հրապարակագիր, կարճ պատմութեաններու հեղինակ, ֆիլմարտադրիչ, յուշագրող եւ բանաստեղծ Թեննեսի Ուիլիամզի սկզբնական տարիներու գրութիւնները մեզի բերին ազդեցութեան յստակ նշոյլներ՝ մանաւանդ Զարեք Բրէյնի, Աստոն Զեյնովի, Օկլըսթ Սթրիկլընդի, Ուիլիամ Ֆօլքլընդի, Թոմըս Ուոլֆի, Էմիլի Տիքընսընի, Ուիլիամ Ինթի, Ճեյմս Ճոյսի, Էռնեսթ Զեմինկուեյի գործերէն, բայց ան տակաւ առ տակաւ կազմաւորելով իր գրական նկարագիրը, ձեւաւորելով իր ոճն ու ներաշխարհը՝ Ուիլիամզեան դպրոցը, Բ. Աշխարհամարտէն ետք արտադրեց թատերական բազմաթիւ արժէքաւոր երկեր:

Վերեւ մեր յիշած «Ապակեայ գառագեղը», «Յանկութիւն կոչուող հանրակառքը», «Վարդէ կտած» եւ «Կատուն» տաք թիթեղէ տանիքին վրայ» թատերական երկերէն բացի, կու տամ ցանկը միւս թատերախաղերուն. - «Ապակեայ գառագեղը» (1944), «Ամառ եւ ծով» (1948), «Ռիփեսու իջնելով» (1957), «Անակնկալօրէն անցած ամառ» (1958), «Երիտասարդութեան քաղցր թռչունը» (1959), «Յարգարանի ժամանակաշրջան» (1960), «Երկակենցաղ մողեսագրի կենդանի մը գիշերը» (1961), «Սոխակի մը արտառնոցութիւնները» (1962), վերամշակուած՝ «Ամառ եւ ծով» (1963), «Կաթի կրթութիւնը այստեղ կանգ չ'առնէր այլեւս» (1963), «Զաշմանկամը» (1965), «Աշխարհի թագաւորութիւնը» (1967), «Մրտնէի ետք վայրէջքները» (1968), «Թոքիոյի պանդուխտներէն մեկուն պառնի մէջ» (1969), «Պարոն Մերիուեթըր պիտի վերադառնայ՝ Մեմֆիսէն» (1969), «Պոտիկ նաւուն ազդարարութիւնները» (1972), «Երկակարգի փիլեսը» (1973), «Կարմիր սատանայի մարտնչութեան ազդանշանը» (1975), «Այս է» (Չուարճախօսութիւն Մը, 1976), «Պառաւ աղջիկ» (1977), «Զաճելի կիրակի մը Զրեւ Զօրի Զամար» (1979), «Զագուստներ ամառնային պանդուխտի մը համար» (1980), «Թրիկորիի յուշատետրը» (1980), հետեւորութեամբ Աստոն Զեյնովի երկերէն մեկուն), «Ամպոտ բան մը, պայծառ բան մը» (1981), «Տուն մը - Չի նշանակէր կանգ առնել» (1982), «Դիմակներու մէջ բարբարոսական եւ խիստ» (1983) եւ դեռ ուրիշներ:

Վիպակներէն յիշատակման արժանի են՝ «Տիկին Սթոնի հռոմեական գարունը» (1950, որ ֆիլմի վերածուցեալ 1961-ին) եւ «Մովսէս եւ պատճառը աշխարհի» (1975): Թէ՛ մեծ պատմառի վրայ եւ թէ՛ հեռատեսիլային ֆիլմաշարերու վերածուած են վերոյիշեալ թատերախաղերէն շատերը, որոնց շարքին՝ «Պուրիկը» (1956), «Ազամանդէ արցունքի շիթի մը կորուստը» (1957), «Փայտատակն տեսակը» (1959), «Կայմի թէ» (1968): Կարճ պատմութեաններու շարքին են՝ «Կապոյտ մանուկներուն դաշտը» (1939), «Ջուրակի եւ դագաղի մը նմանութիւնը» (1951), «Տանր քաղցրեղէն - Պատմութեան գիրք մը» (1954), «Ամառնային խաղի մը երեք հաղցողները եւ այլ պատմութեաններ» (1960), «Ասպետավայել հարցը - Վիպակ մը եւ չորս կարճ պատմութեաններ» (1966), «Մէկ բազուկ եւ ուրիշ պատմութեաններ» (1967), «Մահականացու ուր կիներ տիրացան - Պատմութեան գիրք մը» (1974), «Վրանի ճճիներ» (1980), «Պատահեցաւ արեւածագի օր մը եւ այլ պատմութեաններ» (1981) եւ ուրիշներ: Վերջապէս երկու քերթողագիրքեր՝ «Քաղաքներու ծմեղը» (1956) եւ «Ռոճեւեգ, իմ սեր» (1977):

1936-ին, Մէն Լուիսի մէջ՝ «Ուաշինկթըն» համալսարանէն ներս գտնուած շրջանին լոյս կ'ընծայէ «Me Vashya» թատերախաղը. յաջորդ տարի՝ «Գարնան փոթորիկ»ը: Իբրեւ թատերագիր խօսելով իր անդրանիկ բիւսմներուն մասին եւ անկարելիով վաղ տարիներու իր արարումները՝ իր անկարելիով վաղ տարիներու իր արարումները՝ իր անկարելիով վաղ տարիներու իր արարումները՝ իր անկարելիով վաղ տարիներու իր արարումները՝ իր անկարելիով վաղ տարիներու իր արարումները:

Բ. Աշխարհամարտի որոտներու վաղորդայնին եւ օժանդակութեամբ իր գործընկեր Օտրի Ուոտսին, «Ռոքֆելլըր» հիմնարկը Ուիլիամզին շնորհեց 1000 ամ. տոլար՝ անոր «Յրեշտակներու ճակատամարտը» թատերախաղին համար: Օգտուելով իրեն տրուած պարգեւավճարէն՝ Ուիլիամզ կ'ուղղուի Նիւ Օրլէան, շնորհակալագիր յանձնելու «Works Progress Administration»-ին, որ հիմնուած էր ԱՄՆ-ի Նախկին Նախագահներէն Ֆրանքլին Ռուզվելթի արիւնստագետներուն, գրողներուն ու երաժիշտներուն՝ անոնց տալու վերապրելու կամք ու գորութիւն:

ՅԱԿՈՒ ՏԻՆԵՆՅԱՆ «Աղթամար» (Շարժ. տեսնել 4րդ էջ)

ՏԱՍԸ ԿՈՒՍԱՆԱՅ ՅԻՇԱՏԱԿՈՒՄ ԸՆԹԻՎԱՍԻ ՄԱՅՐԱՎԱՆՔԻՆ ՄԷՋ

Ասազ Երեքշաբթի, 26 Մարտ 2024-ի երեկոյեան, Անթիլիասի Մայրավանքի Ս. Գրիգոր Լուսաւորիչ Մայր Տաճարին մէջ կատարուեցաւ «Տասն Կուսանաց» յիշատակի ժամերգութիւնը՝ մասնակցութեամբ Մայրավանքի կիրակնօրեայ դպրոցի խումբ մը աշակերտուհիներու:



Տասն կոյսերը խորհրդանշող տասը աշակերտուհիները, իրաքանչիւրը իր ձեռքին բռնած լապտեր մը, ներկայացան եկեղեցւոյ դաս եւ ներկայացուցին Զրիստոսի երկրորդ գալստեան հինգ պատրաստ (իմաստուն) եւ հինգ անպատրաստ (իմար) կոյսերը: Անտարանական ընթերցումի պահուն, Փեսային երկրորդ գալուստը դիմաւորող կոյսերը վառ պահեցին իրենց լապտերները, իսկ միւսները՝ մարտեցին գանոնը:

Այս գեղեցիկ աւանդութեան աւարտին, փոխլուսարարապետ Զոզ. Տ. Օշին Կրդ. Չուսկերթանեանի առաջնորդութեամբ եւ Մայրավանքի Կիրակնօրեայ դպրոցի տնօրէն ժանկին Դանիելեանի գլխավորութեամբ, աշակերտուհիները Ն.Ս.Օ.Տ. Արամ Ա. Վեհափառ Յայրապետին յօտ բարձրացան՝ ստանալու համար անոր Յայրապետական օրհնութիւնը: Նորին Սրբութիւնը հայրապետական սիրով ընդունեց գանոնը, անոնց խօսեցաւ օրուան պատգամին մասին, գնահատեց Կիրակնօրեայ դպրոցին տնօրէնութիւնն ու ուսուցչական կազմը, յորդորեց ծնողները՝ իրենց գաւակներուն քրիստոնեական արժէքներով դաստիարակելու անհրաժեշտութեան վերաբերեալ եւ յուշանուէրներ տալով՝ օրհնեց ներկաները:

ՀԱՅԱՍՏԱՆ ԴԱՏՐԱՍ Է ԽԱՂԱՂՈՒԹԵԱՆ

(Շարունակուած Ա. Էջէն)

մասին գիտեն նաեւ Յայաստանի բոլոր իշխանութիւնները: Մեք բոլորս Վրաստան ուղեւորուելու ճամբուն վրայ միշտ տեսած ենք այդ ճանապարհը, այդ հողակտորը եւ նոյնիսկ կը կանգնէիք եւ ցոյց կու տայիք, որ այստեղ Ատրպէյճան է», բացատրեց Ալէն Սիմոնեան, գործնականօրէն չբացառելով նշեալ շրջանը Ատրպէյճանի փոխանցելու հաւանականութիւնը: Սիմոնեան չբացառեց, որ Պաշտու ռազմական գործողութիւններու դիմէ Յայաստանի դէմ, եթէ չկատարուի սահմանագաւառում: «Ռոշեցիկը հոլովոյցը սկսիլ Տաւուշէն, որովհետեւ այստեղ շատ կէտեր պարզ են ու վեճ չկայ, բաղդատած սահմանային այլ հատածներու», ըսաւ Սիմոնեան: Խօսելով Եւրոմիութեան անդամակցութեան մասին քննարկումներու հաւանականութեան, Սիմոնեան յստակեցուց, թէ այդ մասին այս փուլին որեւէ արձարծում չկայ: «Զեմ կարծեք, որ նման բան կըրոնայ տեղի ունենալ», ըսաւ Ազգային ժողովի նախագահը: Խօսելով ռուս սահմանապահներու անգործութեան մասին, Սիմոնեան ըսաւ. «Եթէ Թուրքիան յարձակի, չեմ կարծեք, որ ռուս սահմանապահները մեզի կը պաշտպանեն»: Անոր համաձայն, Յայաստան որքան կարիք ունէր ռուս սահմանապահներու ներկայութեան, Մոսկուա ուներ կրկնակի կարիք:




Իսկ տարածքային ենթակառոցներու նախարար Գնէլ Սանոսեան յայտարարեց, թէ Տաւուշ գաւառի հատուածին մէջ հայերը ունին հողեր, զորս քարտէկներուն համաձայն Ատրպէյճան պետք է վերադարձնէ Յայաստանին:

BOGHOS OPTIC
Autoroute Jdeideh,
Tel.: 01-870016

Պարոյր Սեւակի շունչը Մեսրոպեանի մէջ

ՍԵՒԱԿ ՂԱԶԱՐԵԱՆԻ ԶԱՆԴԻՊՈՒՄԸ ԱՇԱԿԵՐՏՈՒԹԵԱՆ ԶԵՏ

26 Մարտ 2024-ին Հայ կաթողիկէ Մեսրոպեան բարձրագոյն վարժարանի աշակերտութիւնը ապրեցաւ հայ մեծանուն բանաստեղծ Պարոյր Սեւակի բանաստեղծական արձանի առթած ոգիով լեցուն պահեր, որ վարժարան այ-



ցելութեամբ իր հետ բերաւ բանաստեղծին թող՝ Սեւակ Ղազարեան, որ Պէյրուս կը գտնուի իր մեծ հոր ծննդեան 100-ամեակին նուիրուած հանդիսութեան եւ անոր 100 քերթուածներու հատուցողին շնորհահանդեսին առիթով, հրաւերով եւ կազմակերպութեամբ Համազգային մշակութային եւ կրթական ընկերակցութեան Վահէ Սեթեանի հրատարակչատան եւ Համազգայինի Լիբանանի շրջանի Գիր եւ գրականութիւն մասնագիտացած մասնաճիւղին:

Մեսրոպեան այցին պարոն Ղազարեանին կ'ընկերանային անոր տիկինը, հայրենի վաստակաշատ դերասան եւ բեմադրիչ Դաւիթ Յակոբեան եւ Վահէ Սեթեան հրատարակչատան տնօրէն Յակոբ Հաւաթեան:



Աշակերտութեան հետ հանդիպումին արտասանած բացման խօսքին մէջ Մեսրոպեանի բարձր կարգերու հայերէնի ուսուցչուհի տիկին Սրբուկ Ճենանեան դիտել տըլաւ, որ աշակերտութեան համար մեծ բախտաւորութիւն է հանդիպումը իւրայայտուկ հիւրի մը, յանձին Սեւակ Ղազարեանի, որ արեամբ եւ գործով հարազատ ժամագն է հայ արդի գրականութեան հսկաներէն մէկուն եւ որ բարձր կը պահէ անոր վառած ջախը՝ յանուն մտքերու եւ սրտերու լուսաւորութեան: Տիկին Ճենանեան ներկայացուց Պարոյր Սեւակի եւ անոր ժառանգութեան պահպանման եւ ուսումնասիրութեան նուիրուած Սեւակ Ղազարեանի հակիրճ կենսագրութիւնը, վեր բերելով իւրաքանչիւրին ներդրումը համապատասխանաբար բանաստեղծութեան եւ բանասիրութեան մէջ:

Գեղարուեստական բաժինով ելոյթներ ունեցան Մեսրոպեանի աշակերտներ Մէյրի Էքմեքճեան (ասմունք), Նայիրի Անուշեան (տուազ՝ տուտուկ) եւ Մերլի Մուղալեան (տուազ՝ դաշնամուր):

Իր սրտի խօսքը փոխանցեց օրուան գլխաւոր հիւրը՝ Սեւակ Ղազարեան, դիտել տալով, որ իրեն համար մեծագոյն գոհունակութիւն է կրկին այցելել Հայ կաթողիկէ Մեսրոպեան բարձրագոյն վարժարան, ուր առաջին անգամ եղած է 2016-ին: Ան անխառն հիացմունքով խօսեցաւ վարժարանի յառաջընթացին մասին, որ արձանագրուած է տարիներու ընթացքին: Պատասխանելով աշակերտներու հարցումներուն, Սեւակ Ղազարեան խօսեցաւ Պարոյր Սեւակի անցած բարդ ճանապարհին մասին՝ մանկութենէ մինչեւ հասուն տարիք եւ այն խնդիրներուն, որ ան դիմագրուած է ստեղծագործական աշխատանքին ընթաց-

քին, խորհրդային կարգերուն տակ: Ապա հիւրը թուարկեց շատ մը պատգամներ, որոնք կը բխին Պարոյր Սեւակի բանաստեղծութենէ, որոնք յատկապէս երիտասարդութեան համար կը մնան հնչող եւ այժմեական:

Պարոն Դաւիթ Յակոբեան, ընդառաջելով Մեսրոպեանի տնօրէնին խնդրանքին, ասմունքեց քերթուած մը մեծ բանաստեղծին, ներկաներուն հաղորդելով սեւակեան բանաստեղծութեան հարազատ շունչն ու հոգին:



Մեսրոպեանի տնօրէն պարոն Կրէկուար Գալուստ շնորհակալութիւն յայտնեց հիւրերուն եւ այցի կազմակերպիչներուն այս կարեւոր հանդիպումի կայացման համար: Ան դիտել տուաւ անհրաժեշտութիւնը Լիբանանի հայ համայնքին մէջ նման միջոցառումներու կազմակերպման, ի շահ յատկապէս նոր սերունդի գեղարուեստական ճաշակի առողջ ծնաւորման: Մեսրոպեանի տնօրէնը յայտնեց, որ այս տարի իր հիմնադրութեան 85-ամեակը նշող վարժարանին մէջ մասնաշաղկապ կարեւորութիւն կը տրուի հայ եւ օտար բարձրակարգ գրականութեան ծանօթացման, եւ այս հանդիպումը լիովին համապատասխանեց այդ նպատակին: Պարոն Գալուստ պարոն Ղազարեանին յանձնեց Մեսրոպեանի խորհրդակիշը կողմ յուշապարգէտ մը՝ վարժարան իր այցելութեան առիթով:

Հանդիպումէն ետք հիւրերը շրջայց մը կատարեցին վարժարանի քանի մը բաժանմունքներ:

Այս առիթով Մեսրոպեանի աշակերտներ նուր ստացան օրինակներ Պարոյր Սեւակի «100 բանաստեղծութիւն» հատորէն, որ հրատարակուած է բանաստեղծի 100-ամեակին առիթով, Վահէ Սեթեան հրատարակչատան կողմէ, Պէյրուսի մէջ:

Տեղեկատուական Գրասենեակ
Հայ կաթողիկէ Մեսրոպեան Բարձրագոյն Վարժարանի

ՄԵՐԶԱԻՈՐ ԱՐԵՒԵԼՔԻ ՀԱՅ ԱՌԵՏԱՐԱՆԱԿԱՆ ԵԿԵՂԵՅԻՆԵՐՈՒ ՄԻՈՒԹԻՒՆ

Սր. Յարութեան Տօնին առիթով, Մերձաւոր Արեւելքի Հայ Աւետարանական Եկեղեցիներու Միութեան Նախագահի Տեղապահ Վեր. Դոկտ. Փօլ Հայտօսթեան եւ Կեդրոնական Մարմինը, շնորհաւորութիւններ պիտի ընդունին Կիրակի, 31 Մարտ, 2024, կէսօրուան ժամը 12.00-էն մինչեւ կ.է. ժամը 2.00, Հայ Աւետարանական Առաջին Եկեղեցու ընդունելութեանց դահլիճին մէջ, Մերսիք փողոց, Պէյրուս:

Մ.Ա.Ա.Ն. Միութեան
Կեդրոնական Մարմին
ԴԻՒՄ

ԹԵՆՆԸՄԻ ՈՒՒԼԻԱՍՁ ԵՒ ՄԻՋԱԶԳԱՅԻՆ ԹԱՏՐՈՆԻ ՕՐԸ

(Շարունակուած Գ. Էջէն)

Երկար է շարքը մրցանակներու՝ շնորհուած Թեննըսի Ուիլիամսին, մանաւանդ թատերագիրին «Ապակեայ գառազեղը», «Յանկութիւն կոչուող հանրակառքը», «Կատուն» տաք թիթեղէ տակիցին վրայ» թատերախաղերուն համար: Մրցանակատուութիւններու հարցով յայտնենք, թէ ԱՄՆ-ի 39-րդ նախագահ Ճիմի Զարթըր (1 Դոկտեմբեր 1924-ին կը բոլորէ իր ծննդեան 100-ամեակը), 1980-ին մեծ թատերագիրին շնորհած էր նախագահական «Ազատութիւն» (Liberty) մետալը: Իմաստասէր Ուիլիամսը մետալը ստացած պահուն հետեւեալն էր արտասանած. «Անպատասխան մնացած հարցում մըն է կեանքը, բայց հաւատա՛նք հարցումին պատիւին ու կարեւորութեան: Իսկ ինչո՞ւ ես եղած եմ գրող, որովհետեւ կեանքը գտած եմ անգոհացուցիչ»: Ահաւասիկ փիլիսոփայ Ուիլիամսի բազմաթիւ գոհար խօսքերէն մէկը:

Արդարեւ, Թեննըսի Ուիլիամսը հայելի՛ն իսկ է իր գրեթէ բոլոր գործերուն, իր տառապակոծ կեանքին՝ իր դժիւսէ նսեհին ընդմէջէն: Իր գործերը՝ ոսկեցուն հայելին իր նկարագրին, վարքին, կենցաղին, հզօր պատգամներ կը հնչեցնեն այսօր ալ ու պիտի շարունակեն հնչեցնել դարեր, աշխարհի հասարակարգերու մէջ Ամանտաներու, Թոմերու, Ռոզերու, Էտուինաներու, Զոռնելիքսներու, Պլանշ Տի Պուաներու, Զոռնելիքսներու անվերջանալի այն բանակներով, որոնց ուղղած էր մեծատաղանդ գրողը իր «անպատասխան մնացած հարցումը»: Ան մաքառեցաւ այն անողջ ճակատագրին դէմ, որ ո՛չ միայն իրը եղաւ, այլ՝ միլիոններու մարդոց, իր ստեղծած կերպարներուն անմար ուժականութեամբ ներկայացուելու համաշխարհային բեմերու վրայ:

ՀԱՐԱՒԱՅԻՆ ԻՐԱՎԻՃԱԿԻ ԹԵՃԱՅՈՒՄ

(Շարունակուած Ա. Էջէն)

զբաղող խմբակ մը, որ կը նախապատրաստուէր օգային միջոցներով Երուպա փոխադրել ծոթիկի եւ այլ նիւթերու տոպրակներուն մէջ լեցուած շուրջ 148 քիլոկրամ թմրախոտ: Տեղեկահաւաքի բաժանմունքին կատարած խուզարկումներուն ընթացքին բացայայտուած է արգիւրուած նիւթը եւ յանձնուած առնչակից մարմիններուն:

ՏՕՆԱԿԱՆ ՕՐԵՐՈՒ ԲԶՁԱՅԻՆ ԽՈՒՓԱՆՈՒՄ

Հաղորդակցութեանց Օժտեր ընկերութեան պաշտօնէն ետեւ երկրի յայտարարեցին, թէ լիբանանեան ուրոշ շրջաններու մէջ բջջային Ալֆա ընկերութեան ծառայութիւններու խափանումը իրենց հետ առնչուած չէ, աւելցնելով, թէ այսօր պիտի շարունակեն աշխատանքը վերականգնելու համար բջջային հաղորդակցութեանց եւ համացանցային ծառայութիւնները: Պաշտօնէն ետեւ լեզուները, թէ քանի մը օր երկարող գործադուլը առկայած են տօնական շրջանին, սակայն շուտով պիտի վերականգնուին բոլոր շարժումները՝ պահանջելով աշխատավարձի սրբագրում: Պաշտօնէն ետեւ համաձայն, այժմ իրենց ստացած աշխատավարձի իսկական արժեքը նուազած է ելեմտական ճգնաժամէն առաջ իրենց ստացածի ընդամենը 20 առ հարիւրին, ուստի անհրաժեշտ է լուծոմ գտնել եւ սրբագրել այս անարդար դրութիւնը:

Սոսկ Երուսաղէմի թաղային խորհուրդը խորհրդակցութեամբ որոշեց քանակական սահմանափակումներ իրականացնելու համար:

ԿԱԶԱՅԻ ՄԷՋ ՅԱԻԵԼԵԱԼ ԶՈՐԵՐ

(Շարունակուած Ա. Էջէն)

մասին, ան ահազանգեց, թէ Կազայի բնակիչները կը դիմագրուեն մարդասիրական իսկական ճգնաժամ մը: Ալ-պընիզի կը շեշտէ, թէ Իսրայէլը քննադատող եւ ցեղասպան համարող իր գեկոյցի մշակումէն ետք ստացած է քննադատութիւններ եւ բազմաթիւ սպառնալիքներ:

Ամերիկեան լրատուամիջոցներ հաղորդեցին, թէ արտաքին գործերու նախարարութենէն պատասխանատու մը հրաժարած է պաշտօնէն, որպէս բողոք Կազայի դէմ իսրայէլեան պատերազմին տրամադրուած ամերիկեան զօրակցութեան:

Համապատասխան քաղաքական գրասենեակի նախագահ Իսմայէլ Հանիա Թեիրանի մէջ տեսակցեցաւ Իրանի նախագահ Իպրահիմ Ռայիսիի հետ՝ քննարկելու Կազայի զարգացումները: Ռայիսի յայտարարեց, որ Թեիրան կը շարունակէ զօրակցել պաղեստինցիներուն եւ հպարտ է իր այդ կեցուածքով: «Կազայի դիմադրութեան շնորհիւ պաղեստինեան դատը հատած է մահմետական երկիրներուն սահմանը, դառնալով համաշխարհային թղթածրար մը, որ կը հետաքրքրէ համայն աշխարհը», ըսաւ Ռայիսի: Անոր խօսքով, աշխարհի ժողովուրդները կ'ատեն իսրայէլեան ռմբակազմը եւ անոր թիւ մէկ զօրակցող Միացեալ Նահանգներու վարչակազմը: Իրանի նախագահը նաեւ սուտ համարեց իսրայէլեան եւ ամերիկեան բանակցային շարժումները:



Տօնական օրերուն հոգի ֆրանչիսկոս պապը իր զօրակցութիւնը յայտնեց Սուրբ Ինդրուս վրայ ապրող կաթողիկէներուն: «Դուք առանձին չէք, ես ձեզի մօտ եմ», ըսաւ Պապը, խօսքը ուղղելով հակամարտութենէն տուժողներուն: Ան ընդունեց խաղաղութեան հաստատումին զօրակցող պաղեստինցի եւ իսրայէլցի մէկական գործիչ, որոնք հարազատներ կորսնցուցած են հակամարտութեան ընթացքին:

ՍՈՒՐԻԱԿԱՆ ԲԱՆՈՒՄ

Սուրիական ՍԱԱԿ լրատու գործակալութիւնը հաղորդեց, թէ զինուած ուժերը հիւսիսարեւմտեան Իտլիպ գաւառի Զֆանապալ շրջանին մէջ կրակային յարմար միջոցներով զսպած են զինեալ ահաբեկչական կազմակերպութիւններու ուժգին յարձակումը, ճախողութեան մատուցելով զայն եւ չեզոքացնելով բազմաթիւ զինեալներ: Բանակը միաժամանակ զսպած է Հալեպի հիւսիսային գիւղերուն ուղղութեամբ զինեալներու յարձակումի փորձ մը եւ ձերբակալած խումբի անդամներէն մէկը:

ԿԱՌԱՎԱՐԵԼ ԱՆՀԱՍՍԱԶԱՅՆՈՒԹԻՒՆԸ

Իրանի արտաքին գործերու նախկին նախարար Մոհամմատ ժաուատ Չարիֆ յայտարարեց, որ Թեիրան ու Ռուսիան անցեալին ուղղակի բանակցած են Իրաքի եւ



Ավգանիստանի թղթածրարներուն գծով, աւելցնելով, թէ Իրան եւ Միացեալ Նահանգներ 2022-ին մօտեցած էին հիւլեական համաձայնութեան վերականգնումին, սակայն երկու կողմերու սխալ արժեւորումը ձախողութեան մատուցած էր գործառքը: «Իրան չի կրնայ լուծել ամերիկացիներուն հետ ունեցած տարակարծութիւնները, սակայն անհրաժեշտ է գտնել կառավարելի եւ դուրս բերել լարուածութեան ծիրէն, որուն հետեւանքով այլ երկիրներ ալ անկարող են բնականոնացնել Թեիրանի հետ կապը», ըսաւ Չարիֆ:

ՌՈՒՍԱԿԱՆ ԶԵՏԱՔԱՆՈՒԹԻՒՆ

Ռուսիոյ մայրաքաղաքի մերձակայ Զրոբուս համալի-րանի մէջ քանի մը օր առաջ տեղի ունեցած ահաբեկչական յարձակումը հետաքննող յանձնախումբը յայտարարեց, թէ ցարդ կարելի եղած է յայտնաբերել 84 զոհի ինքնութիւնը, որոնց շարքին են 9-էն 16 տարեկանի միջեւ գտնուող հինգ երեխաներ ու պատանիներ: Յանձնախումբը յայտարարեց, թէ հետաքննութիւնները կը շարունակուին ձերբակալուած կասկածելիներուն հետ՝ իմանալու համար յարձակումը բոլոր ծրագրողներուն եւ գործադրողներուն ինքնութիւնը:

ARARAD DAILY NEWSPAPER
MANAGING DIRECTOR: ANI SARAFIAN
Tel.-Fax: 01-565599 | P.O.Box: 175275 Mar Mikhael
Beirut | Lebanon | www.araraddaily.com
email: araradoratert@gmail.com
ارارات جريدة سياسية يومية أجنبية | المحبرة المسؤولة: أنى صرافيان
تصدر عن شركة منبجيس للمطبوعات والنشر (ش.م.م.)